

rad-asiğ amarg 101

- 1 rad-asiğ amarg l-lḥqq ula tayri izgan.
kiyi a-rbbi a-mi-rad-asiğ amarg.
- 2 rad-ttiduğ nkki ġ-uğaras n-ufulki.
managu a-rbbi a-ra-d-dari-taškit?
rad-skarğ nkki d-ayt-tgm̄mi-nu s-uwl iṣfan.
- 3 ur-rad-adjğ alln-inu a-tmnadnt kra issrkawn.
ur-rad-gawrğ d-willi ittun rbbi,
ula rad-kšmğ ġ-iskkirn-nsn.
- 4 ur-rad-sskarksğ ula rad-d-mšaškağ d-willi ^wḥšnnin.
- 5 rad-ssfsağ nkki wanna irggmn ġ-wadjar-ns.
ur-rad-şbrğ i-yan issfurrugn iḥgr wiyyaḍ.
- 6 rad-frḥğ nkki s-willi tuqqarnin rbbi.
rad-iriğ nkki ġwilli umznin ağaras n-ufulki.
rad-ilin ntni ġ-tgm̄mi-nu ar-dari-timkiriyn.
- 7 ur-rad-adjğ id-bu-tkrkas ad-didi-zdğn.
ur-rad-adjğ ayt-sin-uwdmawn ad-dari-qaman.
- 8 rad-ssfsağ gar mddn ġ-tgldit-inu kraygatt ass.
rad-ssufuğğ ġwilli ^wḥšnnin zğ-tmdint n-rbbi.